

正印

高太史大全集卷之十二

吳郡高啓季迪著
南州徐庸用理編

五言律詩

草堂夜集

山家具鷄黍夜與故人期
暫喜逢歡會都忘在亂離
火寒移坐密燭盡得詩遲
莫聽高城角明朝別又悲
適胡博士郊居胡善筮

頭白蘭陵客幽居共一村
老來吟力退貧去告身存
夕吹鳴梨葉秋泉注榴根
持回來問筮獨叩樹間門
送茅疾

欲知難別意孤棹去還停候吏分遙迹離人雜醉醒
城臨秋水渡樹帶夕陽亭後夜看吟燭憐君宿郡廳

孤鴈

衡陽初失伴歸路遠飛單度龐將書怯排空作陣難
呼群雲外急弔影月中殘不共鳧鷖宿兼葭夜寒

曉步園池

髮隨秋葉落心共曉雲舒稍改新題句渾忘舊讀書
林爭移樹鳥池響食萍魚無限悠然意涼天獨步餘

次韻過建平縣

縣雖三五小地僻罷兵防茶市逢山客楓祠祭石郎
雲埋鳴澗谷沙膠度溪航應愛青山好經過駐旅裝

鵲軒

金華朱少府生時有鵲集於庭後樹每歲
生日輒一來其母將死鵲悲鳴久之而去
因以名軒識其思母之意云

神鵲曉鳴枝飛來自期門前懸矢日堂上捧樽時
詎信填河事寧歌繞樹詩只怜君望斷風木助餘悲

寄杜二進士

花開寄別離花落正相思交誼多年見鄉愁近日知
我方淹上國君豈老明時試問江干閣同登復共誰

雨蓬

楚雨滿汀洲瀟灑客舟夢驚孤枕夜愁掩一蓬秋

葦葉寒相戰灘聲暗共流此時湘浦上同聽只沙鷗

聽秋軒

西澗秋聲起涼風助振彌教禽翻樹裏萬葉下亭臯
初訝來山雨還疑捲浪濤老僧方入定終夜任蕭騷

杏花飛燕齋

雙飛如聞捷終日幾西東尾拂花梢露身翻柳絮風
入簾時趁蝶歸壘每銜虫何處長相見佳人院落中

扇

皎々復團々何人剪素紉驅螢臨几席撲蝶近闌干
似月驚朝見生風變夏寒時移當日棄莫怨網乘鸞

新荷

如蓋復如鈿初生雨後天葉低浮水上莖弱裊風前
乍覆遊魚戲難藏宿鷺眠佳人休便折留蔭採蓮舫

鷺

雪羽獨脩々閑情戀遠洲聲沉煙浦晚影度月灘秋
避棹驚時起窺魚立未休兼葭同夜宿應只許沙鷗

馬

名駒產渥洼牽出萬人誇逸足輕千里鬃散五花
城南遊紫陌塞上踏黃沙不受蠻奴策驕嘶向日斜

梧桐

井邊双玉樹高結自生涼影散秋雲薄声喧夜雨長
踈英飄碧簾乱葉響銀牀綠綺誰能斷持將奏鳳凰

圍碁

偶與消閑客圍碁向竹林聲敲驚鶴夢局罷轉桐陰
對坐忘言久相攻運意深此間元有樂何用橘中尋

池上晚酌

夕陽初雨過團扇送涼過竹裏方歸鳥沙邊尚浴鵝
脫巾懸峭壁流竿逐回波六逸當年樂何如此處多

簞

蠻藤巧織成乍展覺涼生紋感寒波細光搖夜月明
坐令葵扇棄眠稱石床平須信南軒下炎天夢亦清

射柳

風煖盡旗張將軍集射場馬嬌嬾戀急人勇喜弓強

但見青條折那知白羽翔三軍歡笑處巧中勝穿楊

新蟬

翻々作離脫咽々試初鳴隔葉藏身穩移柯意忽驚
亂催窻日墮微喚浦風生何待當秋聽今朝已感情

詠螢

熠燿復青熒流光不自停暗飛如避月遠墮欲隨星
穿樹臨幽檻綠莎集小庭莫將團扇撲囊取照遺經

湓浦聽琵琶圖

秋夜相逢處閨愁襟宦情四絃風共拂兩棹月同明
司馬青衫濕佳人白髮生至今湓浦上楓葉尚哀聲

北山雲霽圖

山勢識龍蟠香臺擁翠岫草堂猿嘯晚蕙帳鶴驚寒
雲擁梁僧塔苔封宗帝壇昔年遊歷處今向畫中看
水殿面

波影繞闌干清虛似廣寒荷香臨檻挹月色捲簾看
夜靜聞清吹涼多却素紈宴酣思薦鱠銀縷簇金盤

林泉避暑

自愛蠻藤滑閑舒卧石苔松風驅暑去竹月送涼來
石氣生琴薦泉香入茗杯却憐行路子愁暘向黃埃

金人馬畜

名王愛遊獵初試射鵬弓白草秋原古黃雲晚塞空
琵琶應漢女騷裹白足胡駝歸醉葡萄綠穹庐在月中

夜訪芭蟾二釋子曰宿西澗聽琴

清夜獨幽尋岩扉苔落葉深許携陶令酒來聽穎師琴
人醉月沉閣鳥啼風滿林應留西澗水千載寓餘音

錢塘送馬使君之吳中

樟亭離席散遙發畫幡車飛雉新阡麥蒂鷺故苑花
望山登郡閣行水到田家莫道疑香句前人獨可諗
與劉將軍杜文學晚登西城

木落悲南國城高見北辰飄零猶有客經濟豈無人
鳥過風生翼龍歸雨在鱗相期俱努力天地正烽塵
和周山人見寄寒夜客懷之作

亂在難為客流年易作翁百憂尋歲暮孤夢怯山空

門掩雲峰裏燈明雪竹中無日乘夜訪相慰一尊同
哭臨川公

身用已時危衰殘况病欺竟成黃犬歎莫遂白鷗期
東閣書散西園草露垂無日奠江上應負十年知
一窓秋影

脩竹與疎桐秋陰接桂叢並生金井側同映綺疏中
隱匿纔籠霧交橫忽颭風不須懷故館月落併成空

皇太子遊東苑池上呈青坊諸公

銅輦出紆徐春宮書講餘戟煩即將衛簡授大夫書
草長園鳴鹿冰開沼躍魚泛遊伴商皓忝竊愧何如

題溪山小隱

何處溪山隱衡門對野橋晚風携鶴子春雨種魚苗
小徑斜通竹疎籬曲護蕉人生閑自足不問楚詞招
城西客舍送周著作砥

客中寒食後惆悵送君遠花隱歸城旆風吹渡水衣
夜窓炊黍散春苑閉茶稀誰念西齋雨相思獨掩扉
兵後出郭

俯仰興亡異青山落照中民歸隣樹在兵去壘烟空
城角猶悲奏江帆始遠通昔年荆棘露又滿闔閭宮
謝賜衣

臆呼遙捧賜拜服望逢菜香帶爐烟下光迎扇月開
奇紋天女織新樣內工裁被澤徒深厚慙無奪錦才

西清對雨

楚臺雲起遠漢苑雨來微曉濕宮城
佈寒沾陛楯衣
溝中隨葉墮
爐畔帶煙飛
坐詠西清暇
君王名對稀

夜宿 太廟齋宮

鳥散廟堦空清香肅闕宮
太常齋禁密
列祖身儀崇井叩銅甃
月墀鳴玉珮風聽鐘候
車駕庭燎已燼

送秦主客遷侍儀使

蕃客來曾識衣冠上
國風承
恩趨北闕罷直出南宮導

駕爐烟裏催班漏點中
時清多奏頌還向閣門通
春日退直呈禁署諸公

待詔直東華歸沐每日斜職連詞客
苑俸入酒胡家
簷網長縈絮庭磚欲過花
知君未出院應草侍中麻
送張司勳赴寶慶同知

乍出司勳幙還乘別駕車
按圖猶漢地輸布盡寧家
山勢蛇懸樹江晴鶴浴沙
郡樓回首慶北斗近京華
寫天界寺

雨過

帝城頭香凝佛界幽
果園春乳雀花發午鳴鳩
萬履
隨鍾集千燈入鏡派
禪居容旅跡不覺久淹留

送前進士夏尚之歸宜春

凄涼庾開府老去復如何故國歸鴻少新朝振鷺多
南荒應自歎麥秀竟誰歌相送堪愁思蕭蕭楚水波
早出鍾山門未開立候久之

關吏收魚鑰趨朝阻向晨忘鳴鷄睡熟倦立馬嘶頻
拆靜霜飛蝶鍾來月墮津可憐同候者多是未閑人
雪夜宿翰林院呈危宋二院長

偶伴王摩詰寒宵宿禁林院鈴風外靜宮漏雪中沉
絳蠟銷吟燭青綾擁賜衾明朝陪賀瑞銀闕曉光深
自天界寺移寓鍾山里

移寓鍾山里開軒見翠微寺僧違乍遠隣父識猶稀
愛讀明開牖防偷固設扉誰言新舍好畢竟未如歸
夜逢故郡賀冬至使胡普二博士同宿

會宿本無期忻逢兩舊知問年驚別久候曉畏朝遲
寒澁高城漏陽迴上苑枝明朝使事畢歸騎又天涯
至夕夜坐客館

久客漸忘家今宵忽感嗟旅踪猶泊梗陽氣又吹葭
巷屋門封雪鄉閔路逸沙闈中想逢節也解憶京華
送鮑翰林遷官陝右

鑿坡初罷直西去惜離群載筆唐供奉寒帷漢史君
濁派河驛雨高樹岳祠雲公暇應懷古登臨賦夕曛
送曹主簿之平樂

路出桂江東鄉音想未通蛇飛山苦霧鵬運海多風
木魅長欺客花蠻少學農縣廳何處在椰葉晚陰中

桓簡公廟

荒林慘淡中石馬欲嘶風功在山留碣威存廟挂弓
飢鴉迎祭客走鼠駭巫童千載宣城道人憐內史忠

送前國子王助教歸臨川

去國獨依三羈臣淚濕衣夢中燕月冷望裏楚山微
在變人驚老身全詔許歸舟前楓葉落應到故園扉

送潘巡檢之閩中

京師到閩海秋色幾程餘莎柵山兵守榕林島戶居
曉衙鷄應鼓晚邏騎隨車清在元無盜將軍好讀書

送思上人

名林雖盡廢南去只隨緣野飯晨留鉢城鍾夜到舡
庸馴應畏法鳥喚不教驚禪它日期相見高峯舊塔前

宴王將軍第

流水通侯第行雲倚妓臺雨催牙仗散風引羽觴來
曲學移聲按詩隨得韻裁莫令遊宴歇次第過花開

送朱從事之吳興

釋褐方從宦青山故郡隣草深湖帶雨花暗驛藏春
鼓聚祈禱女舟逢射鴨人幙中應待久徒此惜離辰

和友人過采石

山暝斷磯頭猿鵲兩岸愁柳間娼女酒月下估人舟

擒馬嗟橫渡騎鯨憶醉遊停撓正懷古風急葦花秋
詭擲

何恨苦長鑿纖姿嫵媚春慣愁行路客羞比舞筵人
亂葉斜，雨狂花亂，塵殘蟬來噪日應落漢潭濱
無題

顧影出中堂長眉學內粧本為戚里婦不是狹斜娼
扇撲園中蝶筆彈陌上桑相逢不敢笑只恐斷君腸

京師寓廡三首

誰言舊隱非靜里且相依綠樹城通苑青山寺對扉
官閒休直早客久夢還稀是物春來典唯存舊賜衣
又

幾夜頻聽雨經春不見花
蘼蕪青渚燕揚柳白門鴉
拙宦危機遠工吟癖性加
間坊車馬少不似住京華

又

寂寞過芳時幽懷只自知
袖無接相刺篋有寄僧詩
鼠跡塵凝帳蛙鵲雨到池
踈慵堪置散不敢怨名卑
送舒徵士考禮畢歸四明

寄語關門吏休輕尚布衣
絲絲聊應石周黨竟辭歸
赤日京塵遠蒼煙海樹微
送君還自歎老却故山薇
陪客登陶丘

相逢俱失意此地偶同遊
獨樹邀人去斜陽為客留
依村煙景夕近水竹鵲秋
謾有歸歎歎何山是故立

王公子宅五月菊

秋英忽夏發，宛在阿戎家。細認驚鷲初見高，吟喜共誇
不依寒竹雨，欲映午榴霞。我旨甘遲暮，尊前有此花。
送周復秀才賦行李中一物得純扇

不盡乘鸞女，應怜素質新。霜機驚落早，風塵讓揮頻。
席上曾歌怨，窓間或掩頰。何如為君子，遠路障埃塵。
送派人

漢條應偶觸，蠻俗未能諳。海近風多颶，山昏瘴似嵐。
行衝哀甸虜，食畏蠱家蚕。鄉國何年返，縣知老日南。
贈張省郎

漢署早為郎，長遊鳳沼傍。鷄知壺水候，馬識火城光。
每載趨曹筆，時重直省香。邊書無一羽，宥蓋得翱翔。
送瀚公住靈岩

離宮遊路絕，名寺道場開。我昔題詩去，師今說法來。
茱萸垂澗戶，齒落散池臺。嶼壞俱空幻，登臨不用哀。
送宿衛將出守鄧州

中郎身領仗，宿衛在承明。舊射雙鵬落，新乘五馬行。
紅雲遙魏闕，白水近穰城。好勸諸年少，春來賣劍耕。
甘露寺

勝地江山壯，名林歲月遙。剡藏京口樹，鍾送海門潮。
月黑龍光發，天清蜃氣銷。何當尋狼石，間生話前朝。
送張羽後夜坐西齋

間齋聽鍾坐憂緒悵多端鳴鴈雨中急離人江上寒
秋燈下木葉夜艇隔風湍別後情蕭索方知舊會歡
徐山人別墅

茶香物豎設竹色四隣分掃地侵蟲字開窓散鳥群
樹涼池過雨苔潤石生雲我出無車馬偏宜訪隱君

客館秋懷

獨卧愁空館墻陰野豆開暑將潮氣歛秋寺竹磬來
身賤多違志時清少棄材慙非張仲蔚門戶有蒿萊

秋夜宿周記室草堂送王才

相別還相戀秋宵暫對牀人情貧後况客况醉中忘
池柳疎吹江雲薄護霜離舟待明發愁思劇茫茫

江上雨

冥冥衆樹昏浩浩一江渾急有迴風韻輕無入霧痕
鳥啼蕞竹嶺人卧落花村門巷春泥滑誰來共酒尊

贈演師

石橋尋禮罷歸住白雲層法悟經慵讀年衰塔倦登
青苔生砌錫黃葉翳龕燈我欲相依老前身恐是僧

送錢氏兩甥度嶺

吏送後荒去應歸下瀨營一家十口散萬里兩身行
洞獠欺商市山魈喚客名江邊南望泣不盡渭陽情

送客歸閩省觀

秋城聞暮砧歸思忽盈襟客久依人遍親衰念子深

青山分嶺路紅荔到鄉林
水還堪樂何酒季子金
圓明佛舍訪呂山人

憐君不出院結夏與僧同
陰竹行廊遠香花掩殿空
飯分齋鉢裏書寄藏函中
茶宴歸來晚西林一磬風
蒼宗人廡夜飲王氏池亭見懷

遥聞池上酌涼夜失炎天
酒碧傾當竹衣香坐近蓮
泂波人弄月翻樹鳥鳴烟
座上誰相憶唯應是惠連
送劉即出佐邊軍

符券前軍重衣冠上客才
地圖連異壤呈次出中台
暮雨車投峽秋風扇却埃
省中梧樹在鳴鳳會重來
賦得蟬送別

踈槐細柳中涼占一枝風
蛻出形猶弱驚飛響未終
雨來林館靜日下驛門空
離管尊前發悽涼調正同
何隱君小墅

移家營別墅一遙竹屏開
泉蒲疏渠放花多借地栽
壁間田器挂窓裏浦帆來
自戀幽居樂誰言足棄材
贈張明府

聞道彈琴慶門前柳帶沙
海珍通估市湖稅減漁家
暮港迷荷薰秋田間豆花
亂來無此地君政亦堪誇
送唐博士肅移家醉李

揚柳葭初齊春陰廢苑西
故人乘醉別新鳥傍愁啼
舟重全家去詩多一路題
杏花開此郭誰復共招携

贈妓

樂籍小名收
戾家舊主謳
笑能撩客喜
醉肯逐人留
蝶識熏香氣
鶯驚慙度曲
嗾更怜語酒
今少日住揚州
送顧侔之錢塘

之官即勝遊
送別漫多愁
草色荒宮燕
槐陰遠驛騶
胡通朝汲井
潮動夜眠樓
早向臨平過
荷花已欲秋
荅高廉同飲後見寄

竹林清暑宴
客散獨歸時
愁記歡餘別
醒慙醉後詩
蟬催斜景急
鳥度廣川遲
何事聞鍾處
勞君尚遠思
沈徵士鉉野亭

清時猶在野
獨卧見高情
移艇聞烟唱
鉤簾看雨耕
江晴雙鶴下
樹晚一牛鳴
回首徒相憶
柴車不入城
題隱師王隱君墓表後

孤舟別楚水
客鬢已蒼々
竟賦招魂些
虛傳續命方
悲風栢隴小
積雨藥園荒
生戚雖能悟
看碑亦感傷
贈朱山人

老來嫌衆累
依澗獨開房
積雨蒼生折
迴風菜滿床
學僧持淨律
避客錄竒方
若問塵中事
無聞不是忘
廩上

秋色共溪長
遊人語笑涼
萍開天倒影
蓮墮水流香
魚罾和星漉
禽置帶雨張
送今搖桂掉
不必問瀟湘
次韵楊儀曹雨中

雨中池閣晚清簟薦文漪陰恐晴期遠寒疑暑候遲
荷高擎欲折柳重舞難歌應阻陪高詠開簾看散絲
寄錢塘諸故人

年少客名都狂遊每共呼荷深箬在舫竹靜天鳴壺
明月潮千里殘陽雨半湖故人能念否歡意近來無

送烏程馮明府

青山若下南一騎入晴嵐縣治琴聲古泉香酒味甘
竹欄春護鴨筆箔夏分蚕大小馮君後傳家爾竈堪
喜了上人見過

幾時西澗別忽喜過家園澹泊林間供虛空世外言
豆花零晚架瓜蔓絡秋垣莫厭頻相顧衡門久息喧

病目

閉目洗黃連深窓坐兀然未忘聽鳥興暫絕看花緣
問女知簷日嗔奴畏竈煙願目無見處得證定心禪
病目不飲

患目未全明鑿教謝麴生暫從彭澤止恐學左丘盲
壁下蘭尊掩林間藥臼鳴坐聽連日雨何物慰閒情
賦得蟹送人之官

吐沫亂珠流無腸豈識愁香宜橙實晚肥過稻花秋
出斷來深浦隨燈聚遠洲郡齋初退食可怕有監州
江上早發

蒼々汀霧起何處望高城游子晚初發居人寒未耕

犬鳴林月落魚躍浦風生已有先行者烟中聞棹聲
客舍喜姪庸至

客裏逢人喜相過况阿宜遠遊驚歲晚多難惜門衰
帆落江橋近鐘來野店遲一杯燈下語渾似在家時
哭周記室

萬里一羈臣悲歌楚水春湯期重會面竟作永傷神
主祭唯孤姪收詩有故人獨揮聞笛淚斜日下西隣

過永安廢寺

亂後僧何去門間落葉時晝昏秋蠹老齋斷午禽飢
罷說傳心法猶看賜額碑不知興壞理來此豈無悲

楓橋送丁鳳

紅葉寺前橋停君晚去梳醉應忘世難歸不計程遙
山隱初沉日風催欲上潮離魂來此處還似灞陵銷
盜發漢侍中許或墓

古冢竟誰穿虛傳錮竄堅玉魚宵已出石獸曉猶眠
長夜俄看月幽臺不掩泉須知摸金者亦到漢陵前
過海昌贈李侯

閒廳晝下簾秋色滿踈髯久戍殘兵老多負長吏廉
陰風潮動郭晴日地生鹽三老相逢說年來戶賸添
送易從事祖飲南渚

踈榻映老荷別處最秋多送客年々路愁人日々波
霞明添醉色風急斷離歌莫為官程促青山易看過

題張靜屋畫

楚客寫荆岑，秋雲隔浦陰。
人家連橘塢，水廟映楓林。
亂後清遊歇，愁邊遠色深。
相看休向晚，怕有峽猿吟。

夜懷王校書

燈暗獨吟餘，疎桐月滿除。
蟲寒初入戶，鼠餓欲侵書。
河漢三更望，江湖兩地居。
相思無去夢，今夜恨何如。

答陳則見寄

何由慰遠思，獨詠寄來詩。
行路方難日，清秋欲盡時。
江多驚鴈火，樹少宿烏枝。
早晚如相見，應憐有鬢絲。

煮藥

葉燥井泉清，山窓藥在鐺。
燈前看火候，枕上聽潮聲。
味熟吟方就，香來病已輕。
何時采芝朮，養得羽翰成。

牧

自誇黃犢健，空壠共揮鞭。
遂弄將斜日，簑披欲斷烟。
歸鴉流水外，疎樹舊莊前。
應笑侯門客，騎驢走幾年。

送石明府之崑山

茂苑行春罷，携琴又向東。
潮聲數里外，山色半城中。
帆帶桃花雨，衣翻柳葉風。
島夷聞善政，為有舶舡通。

過城西廢塢

亂前遊宦熟，亂後問都迷。
園散栽花戶，林荒采菊蹊。
廢泉流圃淺，斜日下城低。
唯看煙中鳥，迎人似舊啼。

送范架閣赴嘉禾兼簡李史君

陸相祠前路孤舟欲上時空江難晚別荒郡易秋悲
月送潮生早雲隨鴈去遲幙中知有子太守只題詩

喜呂山人見過江館

非君憐夙契誰肯顧柴門日短清江路風高天樹村
交呈新著稿同發舊歲尊莫便尋歸棹心懷未盡論

贈隣友

同居一塢中只隔水而東林近書燈露溪廻酒舫通
放鳥長合隊移竹每分簪只恐君徵起難期作兩翁
雨中就陳卿飲酒醉歸聞丁二卧病客樓詩
慰之

我醉聽歌後君愁卧病中山雲秋郭暗江雨夜樓空

短燭知頻剪清樽恨不同題詩非撒手那得愈頭風

送海雲李使君

兩為海上州民定何如彼遮使君馬此迎使君車
但令人買牛不受客饋魚我知使君賢讀律又讀書

送醫士宋君之江上

詩瓢與藥囊此去即行裝跡隱名猶在交親意未忘
別言繙舊帙嘗草誠新方春水孤舟起還來問竹房

屏居

飲水依道者心清無众喧幽花落半樹疎雨過荒園
看山易云夕尋澗偶窮源欲喻靜中趣居然忘我言

送董湖州

五馬貴專城初勞問俗行舟車輕客稅鼓角靜邊聲
曉市煙中集春會雪後耕名山與苔水應比使若清
效唐人贈邊將

翩翩越騎將負勇出山西
射虜誇猿臂封侯賄馬蹄
侯烽河外暗伏幟草中低
欲雪憑陵耻須禽左谷蟲

送董湖州

五馬貴專城花蕪赤綬明
政條民乍識賦籍吏初呈
山籠輸茶至溪舡摘蔗行
非將茗雪水誰以使君清

晚次西陵館

正馬倦嘶風蕭蕭逐轉蓬
地經兵亂後歲盡客愁中
晚渡迴潮急寒山舊驛空
可憐今夜月相照宿江東

送顧別駕之邊郡

故人雖盡別相去獨君賒
緣路雲千垆臨邊樹一家
渡江舡載馬到館燭驚鴉
莫歎孤城廢春來尚有花

送僧恬歸靈隱

遊方應未久柳色變新年
在路逢春雪還山訪冷泉
鐘催投寺錫燈照泊江舡
法意休多問無言即是禪

江上寄王校書行

寥落舊歡違江邊獨掩扉
隣家聞暮笛客舍試春衣
宿鳥歸山亂行人渡水稀
相思比花繁斜日繞城飛

送越將罷鎮

楚客佩吳鴻臨邊宜有功
讀書圍壁裏賭酒射堂中

旆出莎城雨旆吹柳浦風越人相感意應与暮潮東
送王稹赴大都至正庚子作

王郎歌莫哀且酌姑蘇臺獨客自傷別諸侯誰愛才
關河千里去宮闈五門開未肯輕齊虜新從下土未
送孫主簿之德清孫善琴

山水匝秋城君行思已清道逢迎吏拜田雜成人畊
地遠知邊信家貧稱縣名應携一琴去相和長官鳴

留別李戾

梅叢津亭北春隨使節迴線多游子服酒滿故人杯
鍾送橫江雨車盤出峽雷平生感知已臨別更徘徊

寄熹公

禪屋紫閣陰欲去問安心野岬隨流曲山門隱樹深
千燈燃雨塔一磬出風林想見跏趺處雲多不可尋

送王才歸錢塘

南歸猶落魄北上已蹉跎草官亭酒勞客路歌
親知今日少山水故鄉多七首空留在酬思竟若何

送長洲周丞陞吳縣令

青山隔苑橋改邑去非遙官食新添俸民傳舊布條
稻花迎午放荷葉待秋凋寂寞長洲路空聞五袴謠

冬至夜喜逢徐七

君來同客館把酒夜相看動是經年別能辭盡夕歡
雲明窓促曙陽復座銷寒在路今如此懸知後會難

送史丞之海門史淮東

黃茅連霧雨此地久荒涼日出囑夷迹江通渤海長
改官非謫宦到邑是還鄉海上遙聞說歸人已裹糧

夜雨

砌冷一蛩急窓虛諾菜稀蕭條風雨夜幽卧掩床幃
隣杵聽初歇齋燈看尚微忽憂歲暮事聊食故山薇
師山周君客濠上思歸未得因話舊隱圖求

子賦詩

幾年留客舍千里念家山得向圖中見猶勝夢裏還
菊畦經雨廢薜屋帶雲閑楚奏無窮意相忘賴此間

微恙江館夜作

寒燈坐江館愁逼歲闌珊苦恨應催老微病似忌閑
鷄前星列屋鴈外月臨灣明日將求藥身猶懶入關

逢李止水道人

吹簫月滿舟何處昔頻遊后土瓊花觀仙人黃鶴樓
別未應未老道在復何求相見俄還去江城楓葉秋

雨中就陳卿飲歸聞丁二卧病客樓作詩尉

之

我醉聽歌後君愁卧病中雲山秋郭暗江雨夜樓空
短燭知頻剪清樽恨不同題詩非擲手那得慰頭風

冬至夜雨感懷

節序閑何事徒令百感生升沈當在事存歿故人情

寒在微陽氣風踈緩漏聲他年說今夜聽雨宿南城
過戴居士宅

江邊戴顓宅地好恹幽尋高樹歲卑屋新篁補舊林
鳥成留客語雲作護花陰不負滄洲約重未論夙心

歸鴉

啞々噪夕輝爭宿不爭飛未逐冥鴻去長先野鶴歸
荒村流水遠古戍淡煙微借問寒林樹何枝最可依

晚坐南齋寫懷二首

鴈過南齋暮魂消默坐中賤負長作客愁病欲成翁
窓洒侵灯雨庭翻走葉風山妻猶解事未遣酒樽空

又

歲景看垂暮羈踪嘆屢遷有身能去俗無術但論天
菊老江城酒床寒客舍瓊愁中還一笑兒女滿灯前

廿四日雨中夜坐

不興負後歎每動醉中吟涉難知天意居閑長道心
鴈羈隨雨到髻色与年侵獨想平生事蕭然坐夜深

又

身退惟宜靜謀疎且任真樓空三日雨書亂一床塵
丘隴多良友江湖獨放臣莫嗟年景暮轉眼是新春
書曹谷才在訓詩後為其子季常作

綠野高人第清門舊相家篇章存月露翰墨畫龍蛇
作戒言惟切詒謀歲已賒過庭雖有訓得与共傳誇

題畫為僧賦

行負貝多書青山別舊庐亂尋安土避貧借破庵居
吟苦非愁裏禪癡似病餘思歸休看畫來去盡空虛

題華氏瑞繪圖

誰指牛眠處江山地最靈氣鍾孤檜碧祥表五芝青
影動春雲亂香敷曉露零知君家種息曾讀墓前銘

、 燕

山中朝佩弁遠路入烟蘿伐木驚禽起穿雲畏虎過
石根供倦憇谷口應高歌莫看仙人奕歸來恐爛打

夜投西寺

江月上秋衣來敲遠寺扉樓禽驚客至睡僕訝僧歸

鍾度行廊盡灯留浴院微非無招旅館禪寂願相依

賦得銅人贈醫士

舊鑄明堂像新圖太史書躡成金冶内穴試石砭餘
摩挲年空老求仙事亦虛君懷濟人意為此竟何如

夏景園后

門掩一齋空幽懷獨坐中本同趨府客偶似灌園翁
魚鬲萍溪雨蟬嘶柳巷風未須論夙志聊復去樊籠

寄題崇明李宮天水面軒

夜氣虛明際齋宮息衆喧詠餘風度瑟坐久月當軒
雲盡無留意池清有活源心知此時意欲論竟何言

送柔上人得舡字

禁林初結夏東去又飄然罷說天台講行參雪竇禪
殘經松下几遠磬月中舡不用空悲別師今詭妄緣

中秋琵琶洲宴集得紅字

香霧夕蒙孤高桂樹東影踈林際月涼近水邊風
重露流杯綠繁星亂燭紅明年江海上高會有誰同

悼女

保養常多關艱難愧我負悽臨歿語的在生親
遺佩寒江月殘灯夜室塵中即他日藁留付与何人

亂後經婁江舊館

此地昔相依重來事已非新年芳草遍舊里熟人稀
遠燕皆巢樹閑花自落磯遺踪竟難覓愁步夕陽歸

悼故顧宜人

避乱应千里悲離渡幾年塵埃初嫁鏡雨雪未歸舡
有子隨行旆無人与奠錢東粵月空吊哀艸暮江邊

過岑山人園

水向幽栖盡花枝逐澗迴夕烟羅幕卷春雨菜花開
野宿孤琴空山峰結語材城中少園家誰解引車來

次韻楊弘甫病中作

素衣深掩和還應海俗文多多風和語葵晚日城芭
印向圓廳鎖鐘了丘古鼓如里愁莫道高村古城切

送周履道入郭

雅摩方茲憶况復与夫連花隱陽城柳風吟渡水衣
須知喧寂異英詩往來歸今夜共高雨淮憐獨掩扉

雨高野生堂書友

勢与云巾速瑞岳学望忘雨来池上树烟起舟向舟在
多此晴矣深亮是晚芳月山那已阻遥望空暮暮

次韵酬西園公

林影多绿树巢池響合萍鱼月户渡船落双奇一草野
体便清友健髮映早秋疎本自無愁可何烦还破除

与荆家张翥有感

清唱合张翥昔年说玉家来诗催他急抱雪雨灯斜
久分愁以村重聽隔院夜滋多思舊了可石是家字誰

与王定生和

素质粉藤光蒲葵誰可方者懷驚鳥抱日洒面怯沾雪堂
助証愧用羞徒走馬狂過時甘自弄不寫并了移矣

高太史大全集卷之十三

吳郡高啓季迪著

南州徐庸用理編

五言律詩

送吳縣令遷松陵

山縣彈琴罷，江城露冕初。
夏霖湖更潤，朝日市長虛。
柳下催耕鼓，桑間問俗車。
秋風莫思去，客館有鱸魚。

寄沈校理

風雨清明後，春寒未袂衣。
閉門聽鳥盡，入寺看花稀。
獨酌愁難去，相思夢欲飛。
艱難宜數見，何事却長違。

贈呂醫

藥院閑閑朝煙生積券燒求真遊岳遍訪病出城遙
收穀寧煩僕尋苓或遇樵在方多內熱一七倘能消

次韵陳留公見貽湖上行屯之作

湖陰巡壘罷緩服上仙舟景好看宜晚詩清賦為秋
葉應隨鳥散山欲趁波流亦有東遊興空憐未得酬

雨後飲西園偶然亭

晚酌櫻桃下歡乘不奈春那知醉後客猶是亂中人
雨霽飄還細花寒破未勻江臯舊遊處回首莫沾巾

隣家挑花

春色東家出相窺似有心曲垣遮自短別院閑還深
影動疑人折香揉妬蝶尋好風時解意吹片拂羅襟

和王校理夜坐

池暝花如霧蒼月照開梁空雙燕睡簾暗一螢來
兵散誰家笛人違此夜杯如何對清景愁思却相催

答陳校書客懷

同患君尤甚時難竟意真愁邊長夜酒夢裏少年春
遊遠荒家業交疎困路塵一杯歌短調誰聽不沾巾

畲余左司見

門巷接垂楊同隣忘異鄉兒親欣見熟僕立厭言長
讀借風床簡吹今雨碓梁亂來成久別能不為情傷

宿道王蘭若

借榻到僧扉雖安未是歸暝禽愁雪意夜篠助風威

燭盡思燃帶衣寒起覆衣不知孤棹去明夕更何依

與詩客七人會飲余司馬園亭

居皆在北郭

情與酒蒸和園亭駐晚珂家同榆社近人比竹林多
短景催長宴醒吟雜醉歌亂離歡易失無厭數相過

登西澗小閣

層檻搆雲牢清寒灑客袍石稜添澗險閣勢借峰高
風竹驚棲鳥霜藤纏飲猿欲題因境勝不敢易揮毫

江上答徐卿見贈

煙樹近松陵扁舟曉獨乘江黃連渚霧野白湍田水
往事愁人問虛名畏客稱無才任蕭散敢望鶴書徵

除夕客中與家兄守歲

雨雪遠村中猿鳴旅館空守爐銷夜漏停燭待春風
有恨能催老無文解送窮却憐今夕酒還得弟兄同

南溪晚歸

流水出雲根遙通古寺門山深僧少俗人靜市如村
馬渡知長淺魚行見不渾夕情溪上月歸路照黃昏

丁孝廉惠冠巾

知試山人服冠中遠寄章佳名因子夏舊製學林宗
裹映秋吟髮歌宜晚醉容朝簪今已解期上華陽峯

西園閒興二首

看到竹過隣園林獨卧身鳥聲閒似野人意倦知春
殘雨驚池樹斜陽照隙塵如何堂上客不及燕來頻

文

當路關追攀端屈自掩關聽鍾知近寺看畫憶登山
曉櫺風林下宵吟雨閣閒天應憐我懶獨与少年閑
送謝恭

涼風起江海萬樹盡秋聲搖落豈堪別躊躇空復情
帆過京口渡砧響石頭城為客歸宜早高堂白髮生

步至東臯

斜日半川明幽人每獨行愁懷逢暮慘詩意入秋清
鳥啄枯楊碎蟲懸落葉輕如何得歸後猶似客中情
郊墅雜賦十六首

江水含西東隣家是釣翁路痕深草沒井脉暗潮通

籬隔蔬邊雨門開竹下風不因時賣畚何事入城中

其二

此鄉堪避地亂後戶翻增俗美嫌欺客年豐愛施僧
帶星耕處輒照雪紡時燈且作求田計元龍豈我能

其三

幽事向誰誇孤吟對晚沙浣衣江動月繫艇岸垂花
行蟻知知路歸鳥自識家一尊茅屋底隨意答春華

其四

春泥桑下路孤策自扶行身賤知農事心閑見物情
魚鳴風欲起牛飯月初生漸喜無人識何煩心名

其五

移家到渚濱沙鳥便相親地僻偏容懶村荒却稱貧
犬隨春盃女鷄與曉畊人願得無愁事閒眠老此身

其六

紛々謝人役寐々戀吾屋細雨春零後斜陽社飲餘
岬花飛趁蝶池葉墮驚魚好了公家事休令吏到廬

其七

路迂橋斷處門靜犢眠時孤墅歲群柳諸田灌一陂
僮閑春作少婦懶午炊遲誰道花源好還令太守知

其八

虛閣近鳴湍應宜把一竿雨傷春麥爛風折晚蒲乾
抱甕臨江汲携書入寺看自慙何獨幸世難此偷安

其九

亂渚交々白平蕪漫々青賣新沙店遠祈穀水祠靈
密雨侵箕重微風過網腥江邊多酒伴春去不曾醒

其十

入夜潮侵戶經秋雨壞垣里人薄少訟田父醉多言
稻蟹燈前聚莎虫機下喧自應耽野趣不是戀鄉園

其十一

欲沽嗟市遠煙火隔江波客到寒齋少人歸晚渡多
汗書燈燼落驚鷺枕槽聲過豈敢愁荒寂時危免負戈

其十二

野色迥蒼々開門素滿塘僧來雙屐雨漁卧一舡霜

靜裏脩香傳閑中錄酒方平生當世意到此望成忘

其十三

紅樹南江近青山北郭遙江清目渺々林冷髮蕭々
食鱸知晨釣聽歌識暮樵尋常送歸客不過水西橋

其十四

何處可徘徊林間共水隈夜歸家犬識春睡野禽催
有地唯栽藥無村不見梅興來慙獨飲時喚老農陪

其十五

狂多愛出遊日々問江頭小草皆春意遙山自晚愁
酒中時有得物外復何求不詠騷人調靡蕪任滿洲

其十六

屋似臨邛宅耕非鄠杜田已償輸稅米未覓賣文錢
把卷怜長日看花愧少年倏然閉門處楊柳桔槔邊

采香逢

晨粧出采芳零露濕紅裳種徒山中品熏傳海外方
抱筐歸蕙迳焚鼎薦蘭堂未足娛君寢西施體自香

響屧廊

廊虛應屧鳴響細識腰輕誰道吳強國唯銷舉足傾
苔間滅古跡月下欲餘聲此夕人空聽山僧曳履行

臨頓里

其一

聞說橋東地高人舊隱居養生應有道覓舉絕無書

愛救粘絲蝶，噴驚出水魚。時尋戴顓宅，自駕短轆車。
其二

應愛山齋好，秋風不捲茅。鑿渠侵蟻穴，移樹帶禽巢。
人在真浮梗，吾生豈繫匏。不逢皮從事，誰結歲寒交。

其三

載酒携山榼，安琴製石林。鳥眠皆傍母，蜂去自從王。
穀雨收茶早，梅天晒藥忙。不扶靈壽杖，筋力老能強。

其四

自少圖名意，誰言並不知。僧求開寺記，客送買山資。
細雨魚生子，斜陽燕哺兒。平生無事迫，辛苦為尋詩。

其五

斬伐憑樵斧，經綸在釣車。薄雲還露月，小雨不妨花。
酒債應多處，詩名自一家。虛煩時主名，懶脫故衣麻。

其六

長物元無有，何勞大護扉。借看高士傳，學製道人衣。
窓破容螢入，船空載鶴歸。定緣幽事統，不是宦情微。

其七

澹泊心情在，蕭疎髻影殘。引泉規作沼，留筭待成竿。
自洗沾泥屐，誰收掛壁冠。毛公新有約，月夜禮天壇。

其八

沐罷便輕憤，消搖詠晚天。清風蘇病鶴，驟雨集鳴蟬。
舊史堆緗素，新經錄洞玄。誰知城郭裏，別自有林泉。

其九

汨々泉通圃蕭々柳映門折乾搖樹影踏藕損蓮根
飢鴨呼歸艦新蚕試浴盆屋前高石在知是鬱林孫

其十

茶租催未得菊餌服還能行古時人笑文工造化憎
貧留漁艇載老謝鶴書微誰識先生樂悠然卧枕肱

春申君廟

封吳開巨壤相楚服強隣名重三公子謀疎一婦人
畫幃留古像珠履絕遺塵簫鼓時迎祭還憐舊邑民

吳女墳

魚燈照豔魄夜冷珠衣薄白玉土中埋紅蘭霜後落

不乘臺上鳳空舞橋邊鶴韓重未歸來泉宮秋窈窕

真娘墓

金釵葬小墳楊柳寺前村已斷花間信空歸月下竟
山鶯留曲韻草露帶啼痕車馬逢寒食還來酌酒樽

鱸鄉亭

獨上鱸鄉亭秋風南浦生載誦黃花句遙思張步兵
天空白水遠日墮赤楓明我亦東歸客一壺宜醉傾

堯峯院

堯帝何年到名猶在此峯岩留千尺井寺廢兩時鐘
僧出因尋菌人來為看松白雲深洞裏聞有聽經龍

慧聚寺次張祐韻

炮斂城初出朝來野欲吞危樵緣磴角倦衲憇松根
剝表感林寺鍾聞隔海村畫龍飛去久空掩殿堂門

石屋

僂崖立幽閑一洞開深宇青嶂近為隣白雲閑作主
不受社陵風可避河朔暑華棟幾回新渠、獨千古

贈竹里子

弭揖望迷林閑為淇澳吟君家不可見但聽煙中禽
日落通雲遠雨餘江水深非同抱清節歲晏後誰尋

送金判官之吳江

江字疑誤與後考姑闕

送客常苦愁送君愁最劇江為江上縣近我鄉中宅
霜晴橘熟秋水冷楓飄夕難逐去帆東京華坐微後

漁

泛、蒼波裏全家寄一舸曾來屈澤畔或到杏壇邊
簑帶春江雨榔鳴晚浦煙得魚尋水店換酒不論錢

樵

慣識山中路崎嶇每獨尋穿雲衝過雨伐樹起棲禽
斧礪溪邊石衣懸谷口林逢仙休看奕甲子易駸、

耕

江臯闡布谷荷耜出柴門春暖烏捷快朝晴綠樹繁
深耕行別隴待鑿望前村自得龐公計遺安與子孫

牧

一笛去茫茫平郊綠草長但知牛背穩應笑馬蹄忙

度龍衝朝雨歸村帶夕陽相逢休挾策回首恐忘羊
夜起觀月

一春夜多雨今宵初月明窓間幽夢覺起憶故園行
露下花微委煙中鳥忽鳴誰同賞清景惆悵倚前楹

贈劉醫師

君有抱朴意高齋長宴如壺中仙姥酒按上神農書
蒸木曉烟裏斲苓春雨餘起疾多傳妙慚予才自踈

舟中早行

隆々津鼓動江火留餘閃人家未起耕近水寒扉掩
船開鳧鴨散樹吐煙霏斂東廓去方遥青山見孤點

春日懷諸親舊

楊柳燕差々隣家換火時春寒添客思夜雨減花枝
涉世悠々夢懷人的々思出遊無舊侶空館獨題詩

江上見逃民家

清時無雪政何事竟拋家隣叟收飢犬途人折好花
林空煙不起門掩日將斜四海今安在歸來早種麻

曉晴東臯步眺

江明片雨收樹暗一村幽籬落踈麻長田畦曲水流
禽聲初變夏麥氣欲成秋聞步看時物今朝散旅憂

賦得戟門送陳博士

聖廟儼王宮重闕盛衛同儒官趨內外武仗列西東
乍啓鳴鍾始將扃徹俎終莫言墻九仞還有此能通

櫻桃

密綠映圓紅枝頭的，同熟迎梅實雨落值柳花風
羨女名偏稱流鶯啄未空憶曾春薦後捧賜出深宮
金焦士葵軒

幽園夏雨歇葵綠乍翻風獨向群芳後間依萱草葢
敷榮午簟側流馥夜窓中應有傾陽意將軍心正同

次倪雲林韻

雲林已白頭猶有晉風流愛寫滄洲趣閑來玄館遊
茶煙秋淡，竹雨暮脩，欲向南池水長留清翰舟

登南樓看雨有懷

清曉看江雨獨登江上樓人煙與草樹蕭瑟滿城秋

砧響寒稍急鴻聲哀更流故人隔楚雲西望忽成愁

晚霽獨酌南樓

倦客豈遷客故鄉非異鄉鱸肥蓴菜紫鴈到柳條黃
湖濶已秋雨樓高猶夕陽登臨何必賦把酒攜胡床

耕

春郊起東作耒耜出柴荆柳下烏捷健桑間布谷鳴
家人供遠餉刺史勸深耕已卜豐年候朝來好雨晴

追挽恭孝先生二首

後

開洛遺風在河汾舊業傳書攻歲簡復易究出喬先
曉禁辭持橐寒廳戀坐擅臨危誰復似身與教俱全
北闕書空上東川教自陳可當衰亂日復喪老成人

堂靜懸魚絕墳荒下馬頻傳家欣有子執筆際昌辰

漁

浮生何處好只在水雲鄉柳起鳴秋月綸收向夕陽
若逢幽夢熟銅斗醉詩長不是烟波樂那能與世忘

題宋迪晚煙歸舍圖

落日下嵐嶺行人逢已稀隔煙望田舍映水掩荆扉
鳥亂夕林暗草多秋迳微家人應候我賣畚郭中歸

贈東菴道者

山字一作仙未知名

雙樹夾成戶一溪流繞家掃林留迸笋汲水帶浮花
經勸里人讀葉徃山客餘已無喧寂念默坐對鳴蛙

五言排律

月夜遊太湖

欲尋林屋隱還過洞庭遊遠水初涵夜長天盡作秋
湖如青草濶月似白蓮浮萬壑風傳笛三更斗挂舟
葉應隨鳥散山欲趁波流浩蕩吾何適鷗羨不可求

詠夏冰

寒收凝凍井晚薦納涼宮抱縈存天質銷炎奪化工
氣蒸金盞潤色瑛玉盤空弱藻含猶在織塵隔未通
非山寧可倚是水復當融照夜何須月驚秋詎待風
製屏應不隱作珮定難攻客鵝清誰並仙肌瑩自同
宜涵筠簟素愁逼桂爐紅願解行人渴分貽道路中

題黃鶴山人畫

何處盡相同
湘南與峽東
江來落日外
山出抄秋中
綵桂騷人宅
青蓮釋子宮
鍾鳴樵谷暗
舡散市橋空
風樹驚猿落
煙蕪去鳥通
平生遊楚興
對此轉無窮

賦得履送行人

穩稱遊方脚
新編楚岸蒲
滑欺峰頂石
危怯世間途
輕曳愁妨蟻
高飛笑化鳧
上堂聲每衆
度嶺影還孤
著屐朝行道
拋時夜結趺
空山欲相訪
落葉去踪無

聞蛙

何處多啼蛤
荒園暑潦天
股跳泥活々
形蔽草芊芊
野遠呼相應
窪深樂自專
斜陽漁罩外
細雨客燈前
莫問官愁地
聊占水旱年
晴思蒲菜渚
涼憶稻花田

高士聽空愛
迂人食未便
洒仄誰解去
安我夜窓眠

聖壽節早朝

天啓

聖圖昌流虹
叶夢祥飛龍
起江左戰馬
放山陽御柳
垂圓闥仙桃
熟建章遠人
陳貢誰近侍
浥爐香金鏡
千秋錄瑤池
萬歲編小巨
歌拜手堯日
正舒長

洪武二年十月甘露降後庭栢樹

上出示侍從臣
感獲預觀嘉瑞
因賦詩頌之

和氣融為液中
宵墜碧天光
溥高栢上瑞
設內庭前
見日朝暹
滋經風晚
盡堅芳穠
蜂蜜滑的皜
蚌珠圓
厚澤歌難喻
沉痾飲易痊
願言同

聖德濡沃遍周垣

冬至 車駕南郊

駕動百靈訂齋宮午夜過禮行日日至樂奏合雲和
配 祖崇周典祈年陋漢歌璧陳孤月滿燎爇衆星
羅秩 威儀盛穰 福祉多慶成應預喜四海沐
恩波

禁中雪

君王元尚儉臺殿忽瓊瑤環素凝宮治飛花綴苑條
坊鷄鷩曙早仗馬喜寒驕金扇開時看丹墀掃後朝
台司呈賀表樂部奉仙謠須信陽光近都先別處消
封建

親王 賜百官宴

漢運初興日周藩並建年辨方分社土當陞列宮縣
上相傳金冊中官闢綺筵搭期山作礪
恩瀉酒如川仙李千枝茂天潢幾派連百僚咸醉喜
拜舞赤墀前

送安南使者杜彝卿還國應 制

安南初入貢朝廷遣翰林學士張呂寧賁
詔冊其主為王及境而薨其世子還齊鄉
來告哀且請命及還 命朝臣賦詩送之

南粵知文化來庭喜且先地書通漢日貢紀入周年
彌冊纔臨境衣冠忽掩泉使象

天語言嗣許國封傳曉
關晴飛鳳炎溪晚墮鷲注
來時物異存歿

聖恩全 詔去開蠻霧帆歸望海天但脩忠順節在
業自綿延

送高麗賀正旦使張子溫還國

丹鳳雲中闕玄菟海外城新陽初獻歲遠使盡朝京
卉服充 王貢珠旒仰

聖明花飛薛上國日出指歸程車餞都亭曉帆開島
嶼晴莫辭頻入賀寶曆萬年盈

送鮑脩撰出官關中

薛朝西入陝車數動征塵小麦行時熟帝賜別處頻

關前周故尹灑灑上漢遺民直院青綾齋臨州赤組新
山連樂遊苑樹統富平津君去方年少還能論過秦
送恩公還江心寺

上人屋寶地懸處似金山樓閣開天界波濤隔在寰
鍾聞孤峙外剎出亂雲間螺女晨修饌龍君夜叩關
遊方來暫會吟 闕去難攀舊業美生治離程柳暎
灣衣霑爐氣出舡載聲言還施貝來江估持經化島
巖諸緣除未日早半偈悟猶艱安得如康樂登臨此共
聞

喜楊崇陽赴 召至京過宿寓館

忽作天涯會 萍銷歲暮長高城三鼓動虛館一尊開

隣馬嘶空撼江鴻過廢臺飲餘寒色退談絕雨聲來
涉患功名倦忘歸故舊猜關前新應召須讓子雲
才

長洲苑

中國久無伯圖間息聘功講蒐開別苑訓武出離宮
宰詔應參乘丞臣是御戎鼓鳴深谷應置掩廣場空
遠曳捎雲旆向彎射月弓三驅儀已畢七伐步還同
甲騎從輿後蛾眉侍幄中煮胎須紫豹肺掌得玄熊
樂事方難極兵圖忽易窮城迷歌黍客地屬采莠童
輦道崩秋雨旗門失晚風大亡斃肆狡人去雉爭雄
草樹迎蕭索湖山罷鬱葱猶疑見獵火寒燒夜深紅

詠花池

挑枝蕪杏枝春色繞宮池正愛紅繁處還憐綠淨時
花香泛幽沁媚影照清漪垂條看妓折隨草見魚吹
盃涵明月瀉舟逐彩雲移水流花落盡君王醉不知
送高麗貢使還國

鳳閣層霄上苑城積水東

大君方啓運絕域盡朝宗錫命分青土趨班列紫宮
船歸曉出日帆掛候西風雨露何沾渥華夷已混同
聖心非悅貢惟念遠人忠

韓蕞王墓

宋室中興日將軍武畧復功宜趨賈鄧名耻並張劉

白馬空南渡黃龍竟北游
誓擒諸部種還報兩宮讐
朝使領金冊邊人識錦裘
躍戈衝野陣橫草截江流
殘虜亡魂走中原指掌收
未終藩閫寄已成廟堂謀
坐散熊羆士甘臣犬豕
酋和戎詞易屈復漢志難酬
關聳吳山曉陵荒鞏樹秋
廉頗歸未老郭令罷誰留
折檻言徒切截弓勢可憂
俄看星隕壘永使陸沈州
感慨思前代淒涼吊古丘
劍花埋雨氣碑藓剥螭頭
石駟嘶風雨山僧護擗楸
鼓旌何寂寂簡冊謾悠悠
父老悲猶在英雄事已休
棲鴉嶺前墓闌說更堪愁

石井泉

清源生石脈冷逼煮茶亭
淨暎銀床色明開玉鑑形

分秋歸客鼎汲月貯僧瓶
樹影沈泓碧口文清噴巖青
爇中嘗可滌醉後嗽堪醒
品第宜居首許脩舊水經

焚香

艾納山中品都夷海外芬
龍洲傳舊採燕室試初焚
奩印灰繁字爐呈玉鏤文
乍飄猶掩冉將斷更氤氳
薄散春江霧輕飛曉峽雲
銷蓬憑宿火度遠託微薰
著物元無跡游空忽有紋
天絲垂裊々也浪動云々
異馥來干和祥霏却衆薰
嵐光風卷碎花氣日蒸熏
燈炷宵同歇茶煙午共紛
寒帷嫵放早引七記添勤
掃影吟成見鳩聲夢覺聞
方傳媚寢法靈著辟邪勳
小閣清秋雨低簾薄晚曛
情慙韓掾染恩記魏王公

宴客留鷓侶招仙降鶴群曾携朝罷袖尚過舞時裙
囊稱縫羅佩箬宜覆錦熏盡堂空揭桂素壁漫塗芸
本欲參童子何須學令君忘言深坐處端已謝塵氛

詠夢

的々緣愁得濛々與醉和輕隨雲浩蕩暗越嶺嵯峨
夜店嗟偏短春閨想最多關山歸識路江渚去凌波
梁落中宵月樓橫欲曙河隔簾休警鵲近燭任飛蛾
遊遠寧煩載穿深豈畏訶寒鷲瑶作障暖繡錦成窩
蝴蝶誰家信鴛鴦別浦歌靜嫌風動竹開怯雨鳴荷
寐歷窓局綺低遲帳捲羅知情雅枕共送恨忽鍾過
縞袂香猶在朱絃字不磨記來還彷彿尋去已蹉跎

宿燼芬餘麝殘粒暈淺螺憂歡情總幻離合事皆訛
池上吟芳草庭前覓舊柯既曰思是種復念睡為魔
易斷俄如此難憑竟若何陽臺莫重問千古笑巫娥

荅胡博士留別二十韻

去緒名臣後聲華俊士前棘塲曾中的芹水舊鳴絃
遠道秋風褐空齋夜雨瓊倦游驚齒暮多難喜身全
孤客愁王祭諸生老鄭玄未應心戚々還是腹便々
杜曲無歸業成都有卜錢我方辭

關下君尚隱江邊久話燈催剪頻過榻解懸擇隣欣
得地結友愧忘年牧豎依門轉漁梁近渡連舊盟尋
白鳥餘俸買烏犍流水空塘樹疎林破屋烟詎憂窳

作崇但欲醉成仙
政爾交歡密俄然
別恨牽湖山入苑
路鷄天載家船離
索方堪歎分携益
可怜殊鄉難託主
薄俗易輕賢
寒浦通潮處
春城罷雪天
梅花未宜折
持送只詩篇

戲嬰高

芍藥風攔側梧桐露井傍
嬌嬰爭晚戲
少婦聞春粧
共詫珠生蚌
還怜玉產罔
半披文錦綵
斜佩紫羅囊
額髮歲莖短
胸肥細膩光
庭前王氏子
陌上衛家郎
弱草身眠軟
芳英手弄香
隨人貪作劇
避伴學迷藏
莫撲花胡蝶
且為蠟鳳凰
塗添雲母粉
欲試水沉湯
麟送徐卿宅
蘭生謝傅堂
愛均看揔好
年並比誰長

驥種雖難匹
鷄雛已作行
所君得此畫
真是夢燕祥

詩經卷之三十一

三

卷之三

三

